

OBOT-ESO YE MBAT

Jeremiah 18:1-19; Nwedi Mbon Rome 9:21-26.

OYOHQ UKPEP-NKPQ 394

Eke Mkparawa

IKQ IBUOT: “Enye eyedi nkpo-utom emi enyenede ukpono, nkpo-utom emi Abasi anamde asana, emi Ete ufok ekemede ndida nnam nkpo” (2 Timothy 2:21).

Nkop-uyo

Usen kiet Abasi ama odohọ Jeremiah ete aka ke ufok emi ekebotde eso. Abasi ama odohọ ete ke iyenọ Jeremiah etop do. Abasi ekeme nditiñ ikọ ye owo ke ebiet ekededi. Ndusuk owo esidomo ndisio uton mfep ke uyo Abasi nnyuñ ndibe mbak Enye okukut mmọ, edi se mmọ edikutde edi ke Abasi odu ke kpukpru ebiet. Jeremiah ke idem esie ama ewet ete: “Jehovah odohọ ete, Nte owo ekeme ndidibe ke ndibe ebiet eke ami mmendikwe enye” (Jeremiah 23:24). David, andiwet Psalm ama obup ete, “Ami nkeme ndika mmon nkpon Spirit fo? Ndifefhe nka mmon mbogh iso fo?” (Psalm 139:7). Ekem David ama oboro oto ke se enye okofikde ete, ke ebiet ekededi eke imo ikekade Abasi ama odu do nditiñ ikọ nno imo (Psalm 139:8-10). Edi Abasi ama enyene saña-saña ukpep-nkpo ndikpep Jeremiah ke ufok obot eso, ukpep-nkpo emi enye edidade osok ufok Judah.

Ke ini Abasi okodohode Jeremiah ete ka, enye ama aka. Jeremiah ikobupke ntak. Enye ikafañake, edi ama okop uyo. Jeremiah ama odomo ndidohọ mme owo ete mmọ enam se Abasi odohode. Enye ama ofiok ediwak edidiñ emi esanade ye nkop-item. Ema etiñ eno ndito Israel ete, edieke mmọ edikopde uyo Abasi, “koro ntem ke afo edikut unen ke usuñ fo, onyuñ otim anam” (Joshua 1:8). Jesus etiñ ke Obufa Ediomu abaña mmọ oro edidukde Heaven: “edi owo eke anamde uyo Ete Mi emi odude ke Heaven” (Matthew 7:21).

Ke Ufok Obot-Eso

Abasi ama enyene ntak emi okodonde Jeremiah aka ke ufok obot-eso. Obot-eso edi owo emi adade mbat obot-eso ye abañ, ye nkpo usin flawa ye mme usan ye mme nkpo efen. Abasi okoyom Jeremiah ada ukpep-nkpo oto obot-eso, nte emi owo adade ukpep-nkpo oto nke. Nke edi mbuk eke abanade nkpo ererimbot emi edade ekpep nkpo Heaven. Ama eye Jeremiah ndikut nte obot-eso anamde utom ke mbat. Ke akpa ifet ema eda eti mbat enyuñ etim enuak enye mbemiso ekeme ndida enye nnam nkpo. Ndusuk ini, mbufo emesida mbat ebre mbre enyuñ ekut ete, edieke mbat asatde eti-eti, esiwure, onyuñ edieke enye ememde akaha eyeyire ke mme nnuen-ubok mbufo. Mbio esidu ke ndusuk mbat ndien enyene ndiduhore mbio oro nsioño mfep ke mbat oro. Nwedi Abasi etiñ nte obot-eso edighide mbat eso (Isaiah 41:25). Enyene ndibem iso nnam kpukpru emi man mbat ofon se obot-eso adade anam nkpo!

Edidahado-nno

Ke isuk ikerede nte Jeremiah adade ese nte owo adade mbat obot eso, yak nnyin ikere ite ke nnyin itie nte mbat. Obon emek nnyin ete idi ndito Esie. Jesus ama odohọ ete, “Idighe mbufo ekemek Mi, edi Ami nkemek mbufo” (John 15:16). Ke ntre, sia “kpukpru owo ema enam idiok-nkpo, enyuñ etaba ubon Abasi” (Nwedi Mbon Rome 3:23). Nnyin inyene ndikut ite ke esio idiok-nkpo efep ke uwem nnyin. Inamke emi ke usuñ nte etimde mbat edi oto ke edidahado-nno ke mme idiok-nkpo. Ndinọ utebe-ikpe qworq edidahado, edifen, nnyuñ nyet mfep. Jesus okodohọ ete ke iyip Imo, emi “eduokde ebaña ediwak owo man efen mme idiok-nkpo mmọ” (Matthew 26:28).

Ke ini owo atuade nkpofofik ke mme idiok-nkpo esie onyuñ ebeñede Jesus ete efen onọ imo, edieke enye enyenede mbuotidem onyuñ onimde ke akpaniko ete Jesus efen onọ imo ndien enye eyefiok ete ke enyaña imo enyuñ ekwoghore mme idiok-nkpo imo efep oto ke Iyip Jesus. Nte omobọ erinyaña? Nte afo omobon akam ebeñe Abasi ete anuak fi nte mbat?

Ebot

Nte Jeremiah osuk esede, obot-eso ada mbat ọtọ́nọ ndibot eso. Baba ukwak ubot ñkpọ (machine) kiet ikoduhe, edi obot-eso akanuak mbat emi ke ubọk esie. Enye ama ada mme wheel emi etiede nte ekari okpokoro anam utom, wheel kiet ama okoñ akan eken. Ke ini enye adade ukot esie onuk wheel emi odude ke idak isọñ, oro eyenam wheel enyọñ ọwọñọre ñko man enye ekeme ndinam utom ke kpukpru itie ke mbat.

Ke akpa ifet, enyene ndibem iso nnyene eti ntọ́nọ ndida mbot idem abañ. Kpasuk ntre ñko nnyin imoyom eti itiat idak isọñ, oro edi erinyaña ukpọñ emi otode Jesus Christ. Nnyin imokot ite ke iduhe itiat idak isọñ efen emi ọfọnde ntre “Koro baba owo kiet ikemeke ndinin itiat-ukot-ufọk efen mbe se ema ekenim, emi edide Jesus Christ” (1 Ñwed Corinth 3:11).

Nte Jeremiah okosuk esede, obot-eso ama obot ñkpọ, ekeme ndidi ñkpọ oro ekedi ñkpọ usin flawa me ñkpọ uñwọñ mmọñ. Edi akpanikọ emi ekebiet ediye abañ, edi enye ikọfọnke ke enyin obot-eso. Ekpri abañ oro ikọfọnke ima. Enye ama enyene ndo ke ini obot-eso okobotde enye. Ekem obot-eso obom enye nte emi afo esinuakde mbat ndida mbot ñkpọ efen. Obot-eso afiak ọtọ́nọ ndibot eti eso.

Ama Abiara

Idiọk-ñkpọ eyebiat uwem nnyin, anam uwem nnyin ọdiọk ke iso Abasi, Andibot nnyin. Idiọk-ñkpọ abiat uwem owo ukem nte eso eke abiarade ke ubọk obot-eso. Nduusuk ini edu uwem owo ekeme nditie nte ọfọn, edi idiọk-ñkpọ ekeme ndidu ke esit esie. Uñwam odu ọnọ utọ owo oro. Nte emi obot-eso obomde eso ọtọ́nọ ntak obot kpasuk ntre Abasi ekeme ndinam uwem nnyin ọfọn akan akpa. Koro idiọk-ñkpọ akabiatde uwem, Abasi onyime mmọ edi mbai mbai man ekeme ndifiak mbot mmọ ọfọn.

Mbai-Mbai

Nnyin imokut ke Psalm 51:17 ite: “Mme uwa emem Abasi edi Spirit eke ọbuñode: O Abasi, afo usinke edibuñọ ye edinuaha esit ke ndek.” Obot-eso ikotopke mbai oro iduok, ndien ada obufa mbat ọtọ́nọ utom. Edi enye ama ada mbai oro obot eti eso. Andiwet ikwọ kiet ewet nte Ọbọñ adade mbai uwem emi ama akabiara afiak obot mme eso eke edotde ukpono.

*Abasi atañ ñkpri mbai mbiara uwem
Emi esuanade ebono ke ñwaña usuñ idiọk-ñkpọ
Iduhe enye eke ọdiọkde akaha, Mme enye eke edehede akaha.
Nte Andinyaña mikemeke ndida mmọ nduk*

*Mbai-mbai kpa mbai-mbai
Edi Edima Ọbọñ ọfiọk ufọn mmọ,
Ndien Enye eyetañ mmọ ke ubọk ima Esie
Ke ñwaña usuñ ye ke mfafaha usuñ*

Mme Eñwọñọ Eke Ema Ekebiat

Nte Jeremiah akadade ekese nte obot-eso adade mbai eso afiak obot obufa eso, uyo Abasi ama osim enye. Emi edi ukpep-ñkpọ emi Abasi okowutde enye: nditọ Israel ekpedu ke ubọk Abasi nte mbat odude ke ubọk obot-eso. Israel ema esọñ-ibuot imaha ndidu ke ubọk Abasi. Israel ema enam idiọk-ñkpọ enyuñ enuaha. Abasi ama ọnọ mmọ ntọt ete ke Imọ idifọnke ye mmọ nte Imọ ikọñwọñode ibọhọke nditọ Israel ekabare esit. Mmọ ema ebiat eñwọñọ mmọ ndikop uyo Abasi ke ntre ikanaha Abasi anam ñkañ ediomimi Esie.

Ndikpono Abasi

Abasi edi Andibot nnyin, ndien Enye oyom ukpono ye ima nnyin. Mbomo eso idighe ñkpọ ukpono inọ obot-eso kpa nte uwem idiọk-ñkpọ minyuñ idaha ubọñ inọ Abasi. Abasi ọnọ kpukpru owo item ete ekpeme idem koro edinuaha ekeme ndida itie usọp-usọp. Isaiah ama etiñ ntiñ-nnim ikọ abañ ñkpọ emi “Ndien ewuri enye nte abañ mme obot-eso owurede, anuaha; mbọm iduhe du” (Isaiah 30:14). Andiwet

Psalm ama ọdọhọ ete, “Afo eyenuak mmọ ke esañ ukwak; onyuñ obom mmọ nte ñkpọ eke obot-eso anamde” (Psalm 2:9).

O, ekpedi mmọ ema ebọñ akam nte Isaiah ọkọbọnde: “Ke emi ndien, O Jehovah, afo edi ete nnyin; nnyin idi mbat-eso, ndien edi afo andibot nnyin; nnyin kpukpru inyuñ idi se ubọk fo akanamde” (Isaiah 64:8). Kpukpru nnyin ikemeke ndidi utọ mme anam-utom kiet, mme utọ eso kiet, edi nnyin imekeme ndiyak idem nnọ Enye obot nnyin inyuñ ikabare idi eso eke odotde ukpono emi Enye ekemedede ndida nnam ñkpọ. Abasi enyene utom ọnọ owo kiet-kiet, nnyin iyom ndinam utom oro nnọ Abasi ubọñ.

MME MBUME

- 1 Nso idi ufọk obot-eso?
- 2 Nso idi ntak emi Jeremiah akakade ke ufọk obot-eso?
- 3 Nso ikotibe ye eso emi okodude ke ubọk obot-eso?
- 4 Nso ke obot-eso emi akanam ye eso emi akabiarade?
- 5 Ke didie ke mme owo etie nte mbat ke ubọk Abasi?
- 6 Nso idi ntak emi nnyin ikpokopde uyo Abasi?
- 7 Abasi osio didie idiọk-ñkpọ efep ke uwem nnyin?
- 8 Nnyin ikeme didie ndidi ñkpọ utom eke odotde ukpono?
- 9 Nso ke Jeremiah ọkọdọhọ ete ke eyetibe ọnọ Israel edieke mmọ mikabakere esit?
- 10 Didie ke Ikọ Abasi okosu ke otu nditọ Israel?